

Datum: 17.06.2020. godine  
Broj: 02-05-1348/20

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 37. Statuta JP "SARAJEVO" d.o.o., te na osnovu preporuke Komisije za javne nabavke broj: ZP-02-05-1329/20 od 12.06.2020. godine u postupku javne nabavke Izvođenje nepredviđenih radova na izgradnji poslovnog objekta na mjestu porušenog hotela i vanjskog uređenja oko poslovnog objekta Vidikovac, direktor donosi:

## ODLUKU o izboru najpovoljnijeg ponuđača

I Za najpovoljnijeg ponuđača za javnu nabavku radova „Izvođenje nepredviđenih radova na izgradnji poslovnog objekta na mjestu porušenog hotela i vanjskog uređenja oko poslovnog objekta Vidikovac na lokalitetu Vidikovac - Trebević“ po provedenom pregovaračkom postupku bez objavljivanja obavještenja o javnoj nabavci na Portalu javnih nabavki, izabran je slijedeći ponuđač:

**„Unigradnja“ d.d. Sarajevo**

**sa ukupnom cijenom 635.396,04 KM (bez PDV-a).**

II Odluka o izboru najpovoljnijeg ponuđača objavit će se na web stranici [www.jpsarajevo.ba](http://www.jpsarajevo.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. Stav (6) Zakona o javnim nabavkama BiH.

III Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### O b r a z l o ž e n j e

Postupak javne nabavke radova „Izvođenje nepredviđenih radova na izgradnji poslovnog objekta na mjestu porušenog hotela i vanjskog uređenja oko poslovnog objekta Vidikovac na lokalitetu Vidikovac - Trebević“, proveden je putem pregovaračkog postupka bez objavljivanja obavještenja o javnoj nabavci na Portalu javnih nabavki, a pokrenut je na osnovu Odluke o pokretanju postupka javne nabavke broj: 02-05-1260-1/20 od 08.06.2020. godine.

Predmetna javna nabavka je pokrenuta, jer su ispunjeni uslovi za nabavku iz člana 24. tačka a) Zakona o javnim nabavkama BiH. Ugovor o javnoj nabavci zaključit će se sa ponuđačem kojem je dodjeljen osnovni ugovor broj: 01/04-14-4350-6/19 od 25.07.2019. godine s obzirom da je riječ o novim nepredviđenim radovima koji predstavljaju dodatne radove koji nisu obuhvaćeni prvobitno zaključenim ugovorom, ali koji su usljed nepredviđenih okolnosti postali nužni za izvođenje u njima opisanih radova, i kao takvi se ne mogu odvojiti od osnovnog ugovora bez većih nepogodnosti za ugovorni organ.

Procijenjena vrijednost javne nabavke iznosi: 630.000,00 (bez PDV-a).



Komisija za javnu nabavku je imenovana Rješenjem o imenovanju Komisije za javnu nabavku broj: 02-05-1260-2/20 od 08.06.2020. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu jedine prispjele ponude, o čemu je sačinila Zapisnike, u kojima je utvrđeno slijedeće:

1. Dana 12.06.2020. godine Komisija za javne nabavke je otvorila pristiglu početnu ponudu ponuđača „Unigradnja“ d.d. Sarajevo, kao jedinog ponuđača kojem je JP“SARAJEVO“ d.o.o. podnio zahtjev za dostavljanje ponude. Nakon izvršenog otvaranja početne ponude Komisija za javne nabavke je pristupila pregledu cijena iz pristigle početne ponude Unigradnja d.d. Sarajevo, broj: 03-2-16/20 od 12.06.2020. godine, te konstatovala slijedeće:

CIJENA bez PDV-a	703.282,39 KM
Ponuđeni popust	0%
Cijena ponude sa uračunatim popustom	703.282,39 KM
PDV	119.558,01 KM
Ukupna ponuđena cijena sa PDV-om i popustom	822.840,40 KM

Nakon izvršenog otvaranja i utvrđivanja cijene početne ponude ponuđača „Unigradnja“d.d. Sarajevo, Komisija za javne nabavke je pristupila računskoj kontroli i analizi cijena iz ponude, te konstatovala neophodnost provođenja pregovora sa ponuđačem „Unigradnja“ d.d. Sarajevo, koji su i zakazani za 15.06.2020. godine u 10<sup>00</sup>.

2. Dana 15.06.2020. godine u 10<sup>00</sup> sati Komisija za javne nabavke je u prostorijama JP“SARAJEVO“ d.o.o. u Sali za sastanke, soba br.272 održala sastanak sa predstavnicom ponuđača „Unigradnja“ d.d. Sarajevo, gđom. Hajrom Halilović na kojem su izvršeni pregovori o elementima ponude kao i o cijenama iz početne ponude, i na kojima je Komisija za javne nabavke od ponuđača „Unigradnja“ d.d. Sarajevo zahtijevala umanjene cijene početne ponude i dostavljanje konačne ponude. Ponuđaču „Unigradnja“d.d. Sarajevo je dostavljen Obrazac za konačnu ponudu - Aneks 1 i Obrazac za cijenu konačne ponude-Aneks 2, koji trebaju, popunjen dostaviti u što kraćem roku na Protokol JP“SARAJEVO“ d.o.o.

3. Dana 16.06.2020. godine ponuđač „Unigradnja“d.d. Sarajevo je dostavio konačnu ponudu broj:03-2-16A/20 od 16.06.2020. godine, te cijena konačne ponude iznosi kako slijedi:

CIJENA bez PDV-a	635.396,04 KM
Ponuđeni popust	0%
Cijena ponude sa uračunatim popustom	635.396,04 KM
PDV	108.017,33 KM
Ukupna ponuđena cijena sa PDV-om i popustom	743.413,37 KM



Komisija za javne nabavke je izvršila računsku kontrolu konačne ponude ponuđača i konstatovala da nema računskih grešaka, te prihvatila konačnu ponudu ponuđača „Unigradnja“ d.d. Sarajevo broj: 03-2-16A/20 od 16.06.2020. godine na iznos od 635.396,04 KM (bez PDV-a).

Nakon uspješno obavljenih pregovora sa ponuđačem „Unigradnja“ d.d. Sarajevo u pregovaračkom postupku bez objavljivanja obavještenja o nabavci, ponuđač je cijenu početne ponude broj: 03-2-16/20 od 12.06.2020. godine u iznosu od: 703.282,39 KM (bez PDV-a), umanjio na iznos od 635.396,04 KM (bez PDV-a). Iako je dostavljena cijena konačne ponude veća od predviđenog budžeta navedenog u tenderskoj dokumentaciji, Komisija za nabavke se jednoglasno usaglasila da ista bude prihvaćena, obzirom da su za istu obezbjeđena potrebna finansijska sredstva shodno Sporazumu o načinu finansiranja ugovora za izgradnju poslovnog objekta na mjestu porušenog hotela te radova vanjskog uređenja parcele na lokalitetu „Vidikovac – Trebević“ broj: 01-05-2255-2/19 od 26.09.2019. godine. Komisija za javnu nabavku jednoglasno je predložila direktoru preduzeća da donese Odluku o izboru ponuđača „Unigradnja“ d.d. Sarajevo, čija ponuda je ocijenjena kao najpovoljnija sa ukupnom cijenom ponude od 635.396,04 KM (bez PDV-a), te da se ponuđaču „Unigradnja“ d.d. Sarajevo dodijeli Ugovor.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1) tačka b) Zakona o javnim nabavkama, odlučeno je kao u dispozitivu.

#### **Pouka o pravnom lijeku:**

Protiv ove Odluke, može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučenom poštom.

**Direktor**

**Ensar Eminović**

---

#### **DOSTAVITI:**

- „Unigradnja dd“ Sarajevo
- a/a